

سروش

سر ۶ ۱ ۳۰ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته لاق مجموعه اسلامیه در
اتبعون اهدکم سبیل الرشاد

صاحب و مدیر مسئول : ح . اشرف ادیب

بریسنگ موجب اولدینی حادثه بی مختصر آ عرض ایتدم . شیمدی دیگر اختلافلره اولرک موجب اولدینی ایکنجی حادثه بی بیان ایدیم: دردیجی نقطه اختلاف ، زیاده یازده جیم مسئله مهمه دن ظهور ایتشدر :

بزم مملکتده ایکی نوع مکتبلر وارد: بولردن برنجیسی هرملتک اوتونوموسی اداره سنده بولنان مکاتب خصوصیه ابتدائیه ، ایکنجیسی مختلف الدرجه رسمی مکتبلردر . ریاست علمیه بومکتبلرده اوقونه جق درس کتابلرینی ترتیب و معلملری حکومته توصیه ایتک وظیفه سیله مکلفدر . علی الخصوص بوجهت رسمی اعدادیه مک بلرنده صوک درجه مهمدر . زیرا بومکتبلرده کی اسلام کنجلی اکر حقیقی بر تربیه دینی آلتنده طوتولمازلرسه استقبال اسلام ایچون مضر بر صورتده یتشدیرلمه لری احتمالی چوقدر . ایشه رئیس العلما بویله مهم بروظیفه ده تکاسل ایله عطالتک صوک درجه سنی کوستر مشدر . ده اوافق بر خط لازم ایدی که افکار عمومیه ده عدم ممنونیت تام مناسیله تظاهرایتسون .

صوک خطا پاک ده اولکیلردن کری قلماز . رئیس العلمایه برشی حقنده شکایت ایچون کن هیئتی مومی الیه قبول ایتک ایسته میور و مرخصلری واسطه سیله بتون هیئتی بر رئیس العلماتک آغزینه یاقیشمایان الفاظ غلیظه ایله تحقیر ایدیور .

ایش محکمه یه حواله ایدیایر . محکمه بونک اسلام اوتونومیسنه متعلق اولدینی سبویه رک رد ایدر . مسئله « خواجهکان مجلسنه » حواله ایدیلیر .

مجلس مذکور درت کشی یه قارشو اون آتی رأی ایله رئیس وایکی رفیقته عدم امنیت بیان ایدر و اولری استغایه دعوت ایدر . باقلم رئیس کنندیلکنندن استغفا ایدرک هیئتی ده ا یوکسک مقاملره شکایتیه مجبور ایتیه جکمی ؟ اکر بتون خطالری بر درجه یه قدر اونوتدیرمق ایسترسه چکیله جکی محققدر . امید ایتیه یزکه مومی الیه کنندیسنه عدم امنیت بیان ایدن بر ملتک ریاست علمیه سنده بولنقدده اصرار ایدرک خواجهکان مجلسنک مطالباتنه موافقت ایتیه سون . بو آرتق خطا اولمقدن چیقهرق امور ملیه مزه باشقلرینک قاریشمه سنی موجب اوله جق ، برجرم ، برجنایت حالنی کسب ایدر . اخبارینی وعد ایتدیکم ایکنجی حادثه مهمه بودر . اهمیتیه ده عرض ایدیم :

بوصوک حادثه ده هر نه قدر ظاهراً فرقه جریانلری حل ایدیلیمور سه ده اوصورتده تفسیر ایدیلیمک ماهیتی حائردر . رئیس علمیه محکمه یه مراجعت ایدن هیئتک اکثریسی اکثریت فرقه سی افرادندر . حالبوکه رئیس العلما فرقه مذ کوره مک ایلری کلنلری ایله ای کچینه میور . بناء علیه مسئله پاک چاپراشیق ایدی ، قورقولیوردی که صاقین « خواجهکان مجلسی » مسالک غیرتی کودرک رئیسک بو قدر خطایا وقصورلرینه قارشو اوکا بیان اعتماد ایتسونلر . علمیه یه مخالفتله مشهور بعض ذوات بویله اوله جغنی ده ا قرار ویریلهدن ادعا ایدیورلردی . والحاصل خواجهکان مجلسنک بومسئله حقنده کی

مقرراتنه - کرک طرفدار ، کرک علمدار - هر کس صوک درجه ده منتظر ایدی . مقررات یوقاریده بیان ایتدیکم کی ظهور ایدنجه علمیه نک هر غیرتدن زیاده غیرت دینی و ملیه سی بولندینی تظاهرایتدی . علمیه نک ریاستنده اوکا لایق اولاجق اولیان بر آدمه - تقدیر شهرت کاذبه سی اولورسه اولسون - عدم امنیت بیان ایده جکی آ کلاش لیدی . بووقه علمیه نک موقعنک اهمیتتی تقدیر ایتک باشلا دیغنه بیوک بر دایلدر . آرزو ایدرم که علمیه یالکیز کندی رئیس نا لایقلرینه قارشو دکل - ملتک بیوکی کچن لیاقتسز و حیثیتسز کسانک علمیه دنخی آوازه شکایتلری - لزومی حالنده - رفع ایتسونلر .

بولری یازارکن بوسنه نک « خواجهکان مجلسنه » آشاغیده کی خطابده بولنقدن کنندیمی آله مدم : « یاشایکیز ، ملت اسلامیه سزک آنجق بونوع غیرتلیکزه تأمین استقبال ایده جکدر ، غیرت اسلامیه کز هر شیک فوقنده ، فرقه و مسالک غیرتنک فوقنده بولمالیدر . »

برده محکمه یه مراجعت ایدن هیئته بر قاق سوز سوبیه ییم : « برادرلر ! بومراجعتکز حیت اسلامیه یه منافیدر . چونکه بوقدر سنه مجاهده سایه سنده نائل اولدیغمز مختاریته یابانجیلرک مداخله سنه سبیت ویریورسکز . بومسئله ظهور ایدر ایتز « خواجهکان مجلسی » اعضای محترمه سنی دعوت ایتلی و بوایشه حکومتی مداخله ایتدیرمه ملی ایدیکز . بوکا سبب اوله رق سزده کی فرقه غیرتی کوستره بیلیم . سیاست علمیداری اولدیغکز بر آدمی انظار عمومیه دن اسقاط ایچون محکمه یه مراجعت ایدرک مختاری ایشلر مزه حکومتک مداخله سنی موجب اولمق ظن ایتیم که حیتله قابل توفیق اوله یلسون »

قولینوویج هدایت

شیون

عثمانی - ایتالیان محاربه سی :

آتیده کی معلومات دارالجهاده کی اسلام قوماندانلرینک اشعاری اوزرنه حربیه نظارتی طرفندن عثمانی آژانسنه تبلیغ ایدیلشدر :

طرابلس غرب :

۳۰ مایس . - خمس جهننده کی عساکر و مجاهدیمز طرفندن خرمزماننده شرقدن ایکی قول ایله لیده خرابه لرینه بر هجوم اجرا اولمش و محاربه پک قانی و شرفلی بر صورتده یدی ساعت دوام ایتشدر . مذکور خرابه ده دشمنک ایکی بوک استحکامک دثراً مادر سکز صره تل اور کوسیه محاط اولسنه ، انم ، طوب ، تفنک ، مترا یوز آتشلرینک پک شدتلی تأثیراته رغماً شجیع وفداکار مجاهدیمز بوکی موانع فرعییه مقاص و یحافلرله پارچه لیه رق لیده خرابه سی مدافعلرندن هیچ بری قورتلماق شرطیه جمله سنی انلاف واستحکامک مدافعلرینه عائد جسم ایتالیان باندیره سیله بالعموم تفنکلرینی و بوکر ایله جبخانه و متعدد دوربین و امثالی اشیای عسکریه یی اغتنام واستحکامده کی ایکی طوبی ده تخریب ایتشلردر . بو استحکاملرک ضبطی ایتاسنده ایکنجی قول دکر کنارینه قدر ایلرولیه رک دشمنک خرماقلر آره سنده کی منطقه احتیاطنی چادرلرنده باصدروب قسم اعظمی تلف ایتشلردر . بو احتیاطک بقیه السیوفی دیگر براستحکامه التجا

اولان یوزده اوچ رسمك تمديد درجه و آطه امورمالیه سنك تحت تفتیشه آله جفته دائر كريد حكومتنه يكي نوطه لر ويره جكلردر . تفتيش مسئله سی كريد روملرينك منفعت پرست سياسیونی دوشونديريور .

یونانستانك ضریاری . — یونانستان حكومتی برقونفرانس انعقادی احتمالی نظر اعتباره آله رق كريد مسئله سنك تسویه سنی ده قونفرانس برغرامنه ادخال ایچون دول معظمه ایله مذاکرانه کیریشمشدر . اگر بوتکلیف اساس اعتباریله قبول ایدیله جك اولورسه یونانستان تشرین اوله تعلیق ایدلش اولان یونان پارلمنتوسنك کشادنده كريد مبعوثلری قطعاً ردایده جكلدر .

قبریس :

۱۹۱۲ سنی رهسپیری . — قبریسده منتشر وطن غزته سنندن : « ۳۰۰ سنه لك عثمانی و ۳۴ سنه لك انكلیز اداره سنك طریق مدنیته ایصاله موفق اوله مدنی برقسم قبریس روملرينك خیلی سنه لردنبری اسلامی آز اولان کویلرده کورولمکده اولان معاملات وحشیانه لرينك کچن مایسك ۲۷ نجی کونی لیسونده غایت بیوک مقیاسده وعادتا قتل عام شکلنده برغونه سی ظهوره کلشدر . عثمانیلرک وانكلیزلرک نصایح وتدایر مدنیله لرندن زیاده یونان مشوقلرینه قولاق ویرمك استعدادنده بولنان بو وحشیلر عاقبت یکرمنجی عصره برلکه اوله بیله جك اولان وقعه مذکورده یی میدان کتیرمشلردر . یونان مشوقلری تحیل ایتدکری امتیازاتك استحصالی ایچون قبریسده کی انكلتره اداره سنك شرف وحیثیتی اخلال اتمك تهدیدینی لفقوشده اسلاملری مشغول ایتدیرمك طریقیه ایقاعه موفق اوله مدقلری ولفقوشه ایله جوار قراده ساکن اهالینك تقریباً اوچده بری اسلام وایکیسی روم اولدیفندن روملر طرفندن برهجوم ترتیه دنخی جسارت ایدم دکاری جهنله تقریباً بشده بری اسلام ودردی روم اولان لیسون قصبه سته پنایرمناسبتیه کلن ایکی اوقدر دها روملردن بالاستفاده اخذ واعطالریله مشغول اولان پچاره اسلام اهالیسنك اوزرینه دهشتلی بر هجوم ترتیب ایله اجراسنه باشلامشدر .

قبریس روملرينك ترقی وتمدن ایدوب کندی کندیلرینی اداره یه مقتدر اولدقلری ، امتیازات اداره یه کسب استحقاق ایتدکری ادعاسیله انكلیزلرک شیمدیک اداره سته آرتق تحمل ایدمه جکلرینی وکندیلری آفریقا وحشیلری اولدقلرینی بیان ایدن روم سر آمدانندن برقاچ کشیلرک حین هجومده اجتماع ایدن حیدودلرک باشنده هجومی تشویق وتشجیع ایتلرینه نظراً ترقی وتمدنن نهی مراد ایتدکری تمامیه آکلاشلمش وحقیقه برقسم روملرک آفریقا وحشیلری کی اولایوب دنپاده مثلی بولونمایان وحشیلردن اولدقلرینی فعلاً اثبات ایتمشلردر . آفریقا وحشیلری نه یاپدقلرینی بیلمیه رک برحس حیوانی ایله حرکت ایدرلر . لیسون وحشیلری ایسه ارتکاب ایدم جکلری جنایتلری سنه لرجه دوشونه رک حاضرلادقلری جهنله آفریقا وحشیلرینی کولکده براقشلردر .

لیسون منابع مختلفه سنندن ورود ایدن معلومات شو زمینده در : کچن بارار ایرتسی کونی اولکدن صکره وسطی ساعت اوچ بچق راده لرند لیسون قصبه سنده برقاچ کویلو اسلام برخرستیان آراهه سیله کزمکده ایکن بر روم قهوه خانه سنده اوطوران روملر طرفندن اوزرلرینه شیشه ، تنکه ، طاش وسائر آتیه رق ایچلرندن بریسی باشندن جرح و آراهه طورمه مجبور ایدیلر .

آراهه طورنجه باشلرینك چاره سنی آرامق اوزره اسلاملر آراهه دن اینرلر وبو حقارتك اسبابی روملردن صوروب تعرضاتك اوکنی آلمق ایستلرلر سده قرق الی راده سنده بولنان روملر اسلاملری پیاده اوله رق کورونجه هپسی بردن هجوم ایله بولری آبلوقه وضرب ایتکه تشبث ایدرلر .

تهلکه نك بیومش اولدینی و هیچ طایم دقلری خرستیانلر طرفندن دایاق آلتنده ازیله جکلرینی حس ایدن اسلاملردن پیستوبی قریه لی احمد امیر حسین ییچاغنی چیقاروب مدافعه نفسه چالیشیر . هجوم کسب شدت ایدر . بونک اوزرینه

صورتیه انجق جابلرینی قورتاره بیمشلردر . موانع فرعیه نك تخریبیه اوزون برزمان اوغراشلدینی ائشاده شهرده وصرقب تهپه سنده بولنان دشمن احتیاط عمومی لیده نك معاونته شتاب ایتش ایسه ده استقامت حرکتنه اولجه تعیین ایدیلن مجاهدین طرفندن آجیلان آتشله تمام یدی دفعه رجعته اجبار ایدلش وبوساحه جنك ووغا دنخی دشمنك مقتوللریله طولمشدر .

سیدی باری وصرقب موقه لری وخنس شهری . بطاریه لر ایله دونخانك پك زیاده تحت تأثیرنده بولمشندن طولانی اورالرده قالمق ممکن اولمیدیفندن ارزاق دپوی وجیخانه لك کاملاً احراق وعودت اولمشدر .

دشمنك بومحاربه ده بری یوزباشی اوله رق تقریباً اون یدی ضابط وبیك نفری متجاوز تلفاتی وقوع بولمشدر . بزم یوز قدر شهید وایکیوز قدر مجروح واردر . ملازم اول علی فائق افندی شهید میناشده در . دشمنك کوستردیکی مقاومت شدیدیه رغماً غایت حقله استحصال ایدیلن بومظفریت تاریخ حربك کتابه شان وشرقه برصیغه جلادت دها علاوه ایتمشدر .

۳ صیرامه . — حیران رومینك اوچنجی کونی مصراطه نك قصر احمد اسکله سی اوکنه آتی حرب ودرت نقلیه سفینه سیله کلن دشمن ، اجرا ایتدیکی بومباردمانی متعاقب ، اوراده کی محافظلر ایله بر ساعت قدر شدتلی محاربه دن صوکره ، جوارده کی بوشعیر موقعه عسکر چیقارمشدر . طرفزدن تربیبات لازمه یه توسل ایدلی .

بنغازی :

۲۶ مایس . — مایسك ۲۶ نجی کونی دشمنك درت ، بش یوزکشيلك برقوتیه مصادمه ایدلی . مذکور قوته امداد ایچون دشمنك بر طابوریده عسکر مزك شدتلی آتشنه مقاومت ایدمه رک برخیلی مقتول واشیا ترکیله فرار ایتدی . بومصادمه لرده ضایعاتز یوقدر .

۲۷ مایس . — ۲۷ مایسده بر دشمن طیاره سی ایکی بومبا آتمش ایسه ده ضایعات اولامشدر .

درنه :

۲۸ مایس : — درنده مایسك ۲۸ نجی کونی علی الصباح صعودایدن دشمن طیاره سنندن اردوکلهمز جوارینه آتیلان بومباردن هیچ بر ضرر کورلامشدر . مذکور طیاره پیاده ومترالیوزلرمن طرفندن ایدیلن آتیش وطوبلرغزله انداخت اولنان شراپنلر اوزرینه مجبور رجعت ایدلش وشراینلر . مزدن برینك تأثیریه طیاره نك سقطنه رق درنه وادیسنه سقوط ایتدیکي استخبار قلمشدر .

بصره - کویت :

حکومت عثمانیه ایله انكلتره حكومتی بیننده کویت - بصره مسئله سی حقنده جریان ایدن مذاکراتك قریباً ختام بوله جق واون بش یکریمی کونه قدر انكلتره حكومتی باب عالی یه صورت رسمیه ده و تخریری بر جواب کوندره جکلدر . استخباراته نظراً دولت عثمانیه کویت حقنده کی پروتوقولك محافظه سی خصوصنده انكلتره حكومتیه هم افکاردر . مذکور پروتوقوله كرك حكومت عثمانیه نك ، كرك انكلتره حكومتك کویته عسکر چیقارمه یه - جقلری مصرحدر . کویته صورت اداره سته کلنجه بوراسیده (جبل لبنان) ده کی اداره شکلنده براداره خصوصیه مظهر اوله جقدر . بغداد دشمندوفرنك نقطه انتهایه سی حقنده شو صورته اتفاق حاصل اولمشدر . بصره کورفرسته قدر تمیدی تصور اولنان خطك انشاسندن قماً صرف نظر اولمش ، مذکور خطك یالکز بصریه قدر تمیدی قرار کیر اولمشدر .

کرید :

یکی نوطه لر . — کریده منتشر (استقبال) غزته سننده اوقوندیفنه کوره دول حامیه ، کریدك تخریباته قارشو اولتی اوزره اخراجاته وضع ایدلش

آنان معلوماته نظراً بر او پورده مسئله نك برسوء تفهمدن عبارت اولدینی اكلایشله رق طرفین بیننده اشتلاف حاصل اولدینی کوسترلش و مذکور راپور، مسئله نك ایران تحدید حدودی مسئله سنه ده عائدیتی اولسی جهتیله تحدید حدود مختلط قومیسینونه کوندرلشدر .

ایرانیه سرحد مرزهای تحقیقاتی . — کچنلرده عثمانی - ایران حدودی اوزرنده وقوعه کلن بر حادنه دن طرلابی طهران سفیری امین بك طرفندن ایران حکومتك نظر دقتی جلب ایدلشیدی . بو مسئله حقننده تحقیقات اجرا ایدلش و ایرانلیلرک عثمانی حدودینی تجاوز ایتدکلی اكلایشله رق مسیبلرینک تجزیه لری طلب ایدلشدر .

§ ایران حدودنده منازع فیه اولان اراضی مسئله سنی تحقیق ایتك اوزره حدوده عزیمتله اخیراً عودت ایلمن علی سیدی بك تنظیم ایتدیکی دیگر راپوری حربیه نظارتنه تقدیم ایلشدر .

عثمانی - ایرانیه سرحد مرزهای . — تان غزته سنه پترسبوغدن واقع اولان اشعاره نظراً ارومیه عائد اولوب عثمانی - ایران مختلط قومیسینونی طرفندن تحدید حدود مسائله دائر جریان ایدن مذاکرات هیچ بر نتیجه برمامشدر . عثمانی مرخصلری، ادعا ایدلشکنه کوره بك آراختلافکار کورینورلر ایمش . عثمانی مرخصلری حدودك اسکی شکلی تعیین ایدن بر خریطه بی طلب ایتکده ایسه لرده ایران حکومتی کنديسنده بویه بر معاهده یه مستند خریطه بولنديغنی ادعا ایدیور .

دولت علیه - افغانستان :

افغانیه امیرینک مکتوبی . — مسند جلیل صدارت عظمایه ۲۸ ربیع الآخر سنه ۱۳۳۰ تاریخله افغانستان امیری حضرتلری جانبندن ارسال اولنان فارسی العبارة مکتوبك ترجمه سی صورتیدر :

« دولت علیه عثمانیه نك صدر اعظمی بولسان محب عزیز و مهربان محمد سعید پاشا [زاد قدوه] حضرتلرینه استانبول حریر دکانندن ملجأ رماً واسر قالانلر ایچون محب اسلام و اسلامیان اولان ثاورلری طرفندن اعطای اولنان بیك عدد انکلیز لیراسنك و صوائی و مومی الیهمك تشکرانی متضمن ۲۷ ذی الحجه سنه ۱۳۲۹ تاریخلی مکتوب محبت اسلوبلری دست ثاوریه واصل و بادیه مسرت خاطر اولشدر .

« مبلغ مزبورك بروجه دلخواه صرف ایدلشکندن طولانی جناب حقه حمد و ثنا ایدر و بالمناصبه شورانی ده بیان ایلرم که ثاورلری رابطه جنسیت و ملیت حبیبله افراد ملت اسلامیه دن هر فرد حقننده فوق العاده محبت پرورده ایلکده بولنديغدن دائماً آنلرک مسرتلریله دلشاد و مختلریله غمناک اولمقدهم . اجزای ممالک عثمانیه دن اولان طرابلس غرب اهالیسنه قارشی استایانلر طرفندن بی محابا بر طاقم تجاوزات خونخوارانه ایقاع ایدلشکی پیدری وارد اولان خبر لردن اكلایشلش و بوندن طولانی دل مودت منزل ثاورانه مده حاصل اولان غلیانك نه سرکرده اولدینی افغانستانده منتشر (سراج الاخبار) غزته سنه البته منظور سائی فخرمانه لری بیورلشدر . بونک تأثیری مسئله فصلیذیر اولنجه یه قدر قلمدن زائل اولمیه جقدر . بناءً علیه طرابلسلیرك فلاکتلرینه بالاشترک شهدای صلیحک ایشامنه معاونت و مجروحین مجاهدینک خاطرلرینی تطییب مقصدیلله بکره اعانه دفترلی ترتیب اولمش و افغانیلردن هر فردك کندی ارزوسی و وسع اقتداری نسبتنده اعانه ویرمسی ایچون بودفتلر افغانستانك هر طرفنه ارسال ایدلشدر . انشاه افغانیلر بوتشبی کمال شوق و خواهشله حسن ختامه ایصال ایده جکلردر . لهالحد افغانستان بك واسع بر مملکت اولق حبیبله اعانه نك جمع و تحصیلی بر آرز زمانه محتاجدر . شمدیلک جمع ایدیلان اتی بیك انکلیز لیراسی بومبای عثمانی باش شهبندری جعفر بك واسطه سیله حضور سامیله رینه ارسال اولدینی کی بعدما جمع ایدیله جک مبالغ دخی در پی کونده ریه جکلدر . همان جناب حق حسن موفقیات احسان پیورسون »

اجد اوج درت روی خفیف صورتده جرح ایدرهك خط محاصره بی یاروب قورتولور . دیگر درت آرقداشی دخی اسلام چارشوسنه التجا و پولیسه اخبار کیفیت ایدر .

بو انشاده صالانمقده اولان کلیسا چاکنک طوبلادینی قصبه لی و کوبلی بش آلتی بیك راده لرنده روملر بر قاق روم سرآمدانك علنی صورتده تشویقیله چارشولرده بر قاق یوز راده لرنده بولنان اسلاملرک اوزرلرینه ، دکانلرینه ، « یاشاسین یونانستان ! یاشاسین الحاق ! » صدالریله هجوم ایدرلر .

هجومی منعه چالیشان انکلیز موقع قوماندانیله یوز باشی محمد افندی دخی ضرب اولنور . هجوم دوام ایدر . الارنده طاشلر ، صوبالر ، ییقلر ، روولورلر ایله مسلح اولان روملر ، چارشوده وایشنده کوچنده هیچ بر شیدن خبردار اولیان اسلاملردن ارکک ، قادین ، چوجق ، هرکیچی راست کلیرلرله ضرب و جرح و اسلام دکانلرینی تخریب ایدرهك بوللرینه دوام ایدرلر .

اوج قوله آیریلان مهاجرلردن تقریباً ایکی بیك راده لرنده اولان بر قول ، قومیسریات بولندن اسلام محله سنه کیتمکه باشلار .

موقع قوماندانیله یوزباشی محمد افندی سکر اون سواری ایله یتشه رك بوللری منعه چالیشیرسه ده بوهیئت ضابطه یه دخی هجوم ایدرلر . سواریلری قوماندانی طاشلر و دکنکلر ایله ضرب ایدرلر . محمد افندی فی آتدن دوشورلر . محمد افندی تکرار آتته یتشه رك ارقداشلریله برانکده غایت حسـورانـه صوانلر اجرا سیله هجومی منعه دوام ایدر . بوضورتله خیلی مدت اوغراشیلهرق بیوک مشکلاته اسلام محله سنه اولان هجومك اوکی آلتیر .

دیگر ایکی قول و بورادن عودت ایدنلر اسلام دکانلرینی صره دن طوتارلر ، سوقاقلرده و دکانلرده راست کلدکلرینی ضرب و جرح ایتدکن صکره دکانلرک مفروشات و قیو و پترملرینی ، ییقله ییلن ، قیریله ییلن برلرینی تخریب ایده ك یوله دوام ایدرلر . دکانلری متعاقب پنایر مناسبتیه اوتده بریده اولان اسلام صایجیلرینه هجوم ایدوب ضرب و جرح ایتدکن صکره صاندقلری اشیایی ، یشلرینی و باره لرینی یاغما ایدرلر . ضابطه هیئتک قوتی مهاجرله نسبتله یوزده بر راده لرنده بیله اولدیفندن تدابیرشیده یه مراجعت اولنده میهرق بالکن هوایه سلاح آتله اجرای تهدیدات ایدیلر . بوهرج و مرج ، مظالم ، و وحشتلر ایکی ساعت قدر دوام ایتدکن صکره ، کرک هیئت ضابطه نك غیرت و فداکارانی و کرک بوله میدیاده بولنان سکسان قدر انکلیز عساکرینک آقشام اوزری یتشمسی ، تخریبات و جنایاتدن آرتق یورلش اولان مهاجرلری کندی محله لرینه عودت ایتدرمشدر .

غزته مزك بوصیفه سنی طبع ایتدیکن صره ده کلن خبرلره نظراً ایکی طرفدن اوج مقتول و ۴۹ تهلکلی مجروح اولدینی اكلایشله مقده در . خفیف مجروحلرک مقداری هنوز معلوم دکلدر .

بوتفصیلاق اعطای ایدن قبریس غزته سی روم اهالینک خونخوارانه مهاجراتی انشاسنده متفرق اولق اوزره نه مهم فحیمه لر ارتکاب ایتدکلرینی ده اوزون اوزادی یه یازیور . بزبولرک نقلندن صرف نظر ایدیورز . بالکن اوتده دن بری روم اهالی ایله مسکون اطه لر اهالیسنده مشهور اولان حالت روحیه نك ایچ یوزی نه قدر کوتو اولدیفنه دائر بوقعه نك ده شهادتی اوروپا عالم مدیتنک نظر دقتنه عرض ایدره ز .

دولت علیه - ایران :

نواحی شرقیه مسئلر سی . — ایران حدودنده نواحی شرقیه نامیه اولوب وان ایله موصل اره سنده آلتی ناحیه بی احتوا ایدن اراضینک ایران حکومتی ایله حکومت عثمانیه اره سنده منازع فیه اولدینی معلومدر . روسیه حکومتی ، بواراضینک عثمانی طرفندن اشغال اولنديغنی و بونی روس حدودینک حکومت عثمانیه طرفندن تهدیدی مقامنده تلقی ایتدیکنی باب عالی یه بیلدیرمش و بونک اوزرینه حکومت ، ملکیه مفتشلردن علی سیدی بکی برای تحقیقات محله اعزام ایتشیدی . مومی الیه تحقیقاتی اکیال ایتش و درسعاده عودتله راپورینی داخلیه نظارتنه تقدیم ایلشدر .

انگلتره :

مجامع فارسو . — عوام قاره سنده موسیو (فوتس) مکه و مدینه به عزت ایدمک اولان حجاج مسلمینه تعرض ایتهمک اوزره ایتالیانک برکونا تعهدانده بولنوب بولندینی خارجیه ناظرندن سؤال ایلش وتعرض وقوعنده انگلیز تابعیتده بولنان اسلامک متأثر اوله جقلرینی بیان ایلشدر . ایتالیانک حاجی حامل بولنان سفائن نقلیه به قارشو مسامحه کارانه بولنه جقنی وایتالیا طرفندن اتخاذینه توسل اولنه جق اولان تدابیرک حجاجک ضرورینه مانع اوله جق ماهیتی حائر اولیه جقن امیدنده بولندینی سیر ادوار غره ی جواباً بیان ایلشدر .

ایران :

ایران مسلمانلرینه بیانامه . — تبریز والی عمومیدی نزدنده علمای بلده طرفندن عقد ایدیلن بر اجتماعده مسلمانلره خطاباً اوامر دینییه و عرف و آسایش مملکتیه رعایت وصایاسنی متضمن بر بیاننامه نشری تحت قراره آلمشدر .

ایران قاپنه سی بحرانی . — تاعسک استطلاعاتنه نظراً ایران قاپنه سی بحرانی حالا دوام ایدیور . روایتیه نظراً قاپنه ده بختیاریلر عنصربنک چوق بولمستندن ناشی عدم ممنونیتی اظهار ایتک اوزره خارجیه ناظری استعفا ایتش و ناظر مشارالیه هنوز بر خلف بولونامشدر . صوک خبرلره کوره (محتمل السلطنه) مستغنی (وثوق الدوله) یرینه خارجیه ناظری تعیین اولمش و حال حاضرده کی ایران قاپنه سی تمامیه روس طرفداری بولمشدر .

نائب حکومتک اردریایه عزیمتی . — ایران نائب حکومتی (ناصر المملک) یکن صالی کونی اوروپایه متوجهاً حرکت ایتش ومشارالیهی سالماً حدود خارجیه قدر ایصال ایچون الی ایران ژاندارمه سی ترفیق ایلشدر .

سالار الدوله . — طرفانه بیک قدر آدم جمع ایتش بولنان سالار الدوله (فیروز آباد) جهتلرینه کیتمشدر . طهران حکومتی ، اغتشاشه میدان ویرمه مک ایچون تدابیر لازمییه اتخاذ ایتشدر .

فرمانفرما . — الیوم فرمانفرما کرمانشاهده (کردستان) و (لرستان) ایران والیسی صفیله بولنیور . اکثر کرد رؤسای موی الیه عرض مطاوعت ایلشدر . حکومت عساکری کوجوک بر قوت ابله کرمانشاه جوارنده تحصن ایدن سالار الدوله بی اله کچیره بیلیمک اوزره کرمانشاهده قاه جقلردر . حکومت عاصیلری بودغه صورت قطعیه ده تشکیل ایلشدر .

شاهسونلرله روسلر . — شاهسونلرله روسیه عساکری آره سنده مصادمات وقوعه کلدیکی روس حدودندن اشعار ایدلمکده در . روسلرک مغلوب ایدلیدیکی روایت اولنمقده در .

افغانستان :

افغانه قبائلنک عصبانی . — بومبایدن تاعسه اشعار اولمشدر : افغان حدودنده بولنان موثوق الکلم بر بخبارک اشعاراتنه نظراً (خوست) قبائل الان حال عصبانده دوام ایتکده درلر . عاصیلرک عددی چوقچه بولندینی کی افغان عساکری طرفندن مهم بر موقیت اح از ایدلیدیکنه دایر هیچ بر خبر آله مامقده در . افغان امیرنک عدم فعالیتی نقلیات ایچون لازمکن یوللرک آلتانک ققدانندن منبعثدر . (غزنین) ده عاصیلرک احراز موقیت ایتدکلی . بولنمکده در . افغانستان امیری حضرتلری ، که اتحاد اسلام طرفداریدر ، مسلمانلرله ضرب و حرب ایتکی پک آرزو ایتیور . امیرک نیقی عاصیلری صلح و مسالمت دائره سنده اقناع ایتکدر . بو خصوصده مأیوس اولورسه او زمان سلاخله عاصیلرک تأدینی در عهده ایدمکدر . (غزنی) قبیله سنه منسوب اولان عصا . نک سلاخلری پک مکملدر . افغانستان عساکرینک کندی همجنسلیرینه قارشو محاربه ایدوب داخلده کی اختلاللری سوندیره بیلجکلری هنوز معلوم دکلددر . عساکر منتظمه کریده بولنوب عاصیلره قارشو محاربه ایتک ایچون غیر منتظم

عسکرلر اوکه سوق اولمشلردر . (کابل) دن آلتان حوادثه باقیلیرسه امیر قبایل عاصیه ایل بر معاهده عقد ایتکله اختلاله نهایت ویرمک طرفداری کرینیور . بوحالده مجازاتسز قالان اختلالچیلرک صکره بشقه فنا لفرده سبیت ویرمک جکلردر . افغانستانه عصبانه قاطامشدر . — تاعسده مندرج بولندینه نظراً (خوست) شهرنده کی قبائل عاصیه محل مذکور والیسنک عزائی طلب ایتلریله امیر حضرتلری مسئوللرک اسعاف بیورمسی اوزرینه عصبانه نهایت ویرمشلردر . مذکور قبائل عاصیه به اجرای نصایح مؤثره ایچون اوجواره کوندیلن افغان قوای عسکریه سی قوماندانی جنرال (عبدالعزیز خان) بر لقی ابراد ایش و دیشدر که : « امیر حضرتلری سزی تسلیح ایتکدن مقصدلری ، سلاخلرکیزی اسلام دشمنی اوزرینه بوشالتمی ایچون اولوب یوقسه کندی کندیکزه [اسلام اسلامه قارشو] سوء قصد ایتک ایچون دکلددر . » بونک اوزرینه بوتون عاصیلر عرض انقیاد و تسلیمیت ایدرک میدان حرب و وغان طاعیلمشلردر .

روسیه :

روسیه و (یانه اسلامیزم) . — دیلی تلغرافه پترسبورغه کی بخباری طرفندن اشعار اولمشدر : پترسبورغه واصل اولان حوادثه نظراً روسیه نک شرق جنوبی سنده کائناتار کنجلی آره سنده حکومت عثمانیه و بان اسلامیزم آمالی لهنده بر پروغاندا جیلر جمعیتی کشف ایلشدر . (قازان) ، نابع (و) یانقا) قصبه سنده دردست ایدیلن مذکور پروغاندا جیلردن اکثرینک استجوابلرینه دایر حکومت طرفندن اوامر رسمیه اسدار ایدلش و عین زمانده او حوالیده بولنان بوتون مکاتب خصوصیه اسلامیه نک سبدینه فعلاً مباشرت اولمشدر .

ترکستان :

کاشغره آنارشوی . — کاشغردن پترسبورغه تلغرافله اشعار اولندینه کوره (ترکستان شرقی) اهالیسی آنارشوی حالده بولنیورلر . کاشغر شهرینک اک نفوذلی اکابرندن بریسی قتل ایلشدر . بو ذات سیاسته اهالی اوزرنده بیوک بر نفوذه مالک ایدی . مأمورین حکومت اورته لقه حاصل اولان قارغشه لادن اورکشلر ، اوچ کون اوچ کیجه تسکین فساد ایچون بلا آرام چالیشمش ایسه لرده موفق اوله مامشدر . شورش و اغتشاش (پارقند) ، (قارغه اتی) ، (غوما) و (ختن) ولایتلرینه ده سرایت ایتشدر . اهالی بتون دوائر حکومتی ضبط ایدرک اداره اموری اله کچیرمشلردر . اهالی میللیس عسکرلری تشکیل ایدرک هر طرفه یایلمشلردر . یکن حزیران افرنجینک ایکسندن و قتیله اهالی طرفندن انخاب اولنان (مارالباش) والیسیده ینه اهالی طرفندن قتل ایلشدر . (ختن) ده کی مأمورین حکومت کاملاً قاجشدر .

کاشغره عسکرلر سوقی . — روسیه حکومتی (کاشغر) ، قزاق و پیاده عسکرلرندن بر مقدار قوت سوق ایدرک حصوله کلن اغتشاشی تسکین ایتک ایتیور . چین اختلالچیلری پیننده مناقشه و اختلاف حاصل اولمشدر . کاشغره هر نه قدر اوافق فقط یاغمارلر قوع بولش ایسه ده شایان اهمیت دکلددر .

کاشغره اختلالچیلری . — کاشغردن پترسبورغه کلن خبرلردن احوالک کیتدیکجه فتلشمقده اولدنی اکلاشیلور . (آق سو) ده چینیلرک عوام طاقنه منسوب پک چوق کیمسه توره بهرک میللیس حالنده برکتله تشکیل ایدوب قصبه نک اداره سی اله آلفه چالیشیورلر . روسیه حکومتی طرفندن کوندیلن قوه عسکریه کاشغره مواصلت ایتش و مأمورین حکومتی اتلاف ایدنلری آسمشدر .

هندستان :

دهلی ده بمبر . — (سیلا) دن تاعس غزیه سنه اشعار اولندینه کوره هندستانک یکی مقر حکومتی اولان (دهلی) شهرینک دیگر بر محله نقلی تقرر ایدرک دهاکوزل ، واسم و دوز بر اوواده یکیدن انشاسی قرارلشدیرلشدر .

بو محلك منظره سی غایت لطیف اولقله برابر صوبی ده پاك مبذول ایش .
هندرامبربلك اعانه سی . هندلی سید امیرعلی حضرتلرینك اثر
هتی اولان طرابلس غربده کی انکلیز هلال جمعیتی ایچون هندستان اغنیواوالی
مسلمه سی طرفندن ویریلن اعانه مجموعی بش بیک یوزاتوز دوت انکلیز لیراسیله
اون اوچ شیلنه بالغ اولمشدر .

فاس :

فاس احوالی کیتدیکجه فنا رنك کسب ایدیور . فرانسلر پیدرپی مراکشه
عسکر وارذاق ایله مهمات سوق واعزام ایلورلر . انکلتزه مطبوعاتنك
تشریاته باقیلیرسه ایوم فاسده الی بیک فرانسلر عسکری بولمقده در . بونکله
برابر فرانسلر هیچ برخااری صایله جق موفقیت احراز ایتمامشلردر .
تبعه اجنیه به تابع اولان اوروپالیر قورقو ومسکتلرنندن هپ کندلی
قونسولاتلرینه النجا ایشلردر .

فرانسه جنراللرندن مراکشه صورت فوق العاده صلاحیت تامه ایله
کوندریلن جنرال لیوقه ی پوصله یی شاشیرمش ونه پایه جفته داتر حبران قالمشدر .
مولای حفیظی قاجیرماق ایچون آتی محافظه ایدن فرانسلرک مقصدی آنك
نفوذ موهومی سایه سنده ایش کورمکدر . حالبوکه بالعموم فاس قبائل
مشارالهی خائن وطن تلقی ایتدکلرندن آکا هیچ برحمت وعلاقه لری قانامشدر .
دائمی صورتده فرانسلر عسا کرینه قارشو سل سیف جهاد ایدن فاس
قبائل اسلامیه سی مان هرطرفی صاره رق فرانسلر ی پك فنا صورتده
دوشوندرمکده درلر .

فاسلیرک مقصدی مولای حفیظی خلع ایتدکدن سوکره ، عن اصل مکه
شرافسندن اولوب مدت مدیده دن برو فاسده نشر انوار علم ومعرفت ایدن
عابد ، زاهد (سید عباده) ی فاس سلطانلغنه انتخاب واجلاس ایتدکدر .
فرانسه حکومتی فرانسه مطبوعاتنه اجرا ایتدیکی رسمی بر تبلیغنامه
موجبجه فاسده کی فرانسلر عسا کرینك موفقیتسزلکندن برشی یازماملری
لروی توصیه اولتمشدر . لکن مراکشده بولنان انکلیز مطبوعاتی مخابرلری
بوکا حواله سمع اعتبار ایتیه رک کوردکلری وایشتدکلری حقایق منسوب
اولدکلری غرتله ره بیلدیریورلر .

تایمس غرتله سنك بوباده یازدینی برباش مقاله ده ، فرانسه حکومتك
نظردقتی جلب ایدره رک کمال اهمیت وشدتله منازعاته نهایت ویرمك ایچون
ایجاب ایدن تدابیر سریعه مؤثره نك اتخاذینی توصیه ایتمشدر .

نَفِیدُ وَنَفِیْضُ

مدنیت اسلامیه تاریخك خطاری

مابعد

ابن زناد « مدینه ده یدی فقیه واردر . بریسی عبدالملکدر . »
دیردی . امام شعبی ایسه « عبدالملک بن مرواندن بشقه کیمکله
کوروشدم ایسه کندیمی اوکا فائق بولدم . » دیمشدی . بو سوزلرک
هپسنی علامه سیوطی تاریخ الخلفاسنده ذکر ایدیور . ایشته
قرآن او قودینی بر صروده کندیسنه خلافتی خبر ویریلان عبدالملک
ایشك اهمیت عظیمه سنی دوشوندی ؛ بو قدر آغیر بر یوکک بشقه
ایشلردن ال چکیلمدکجه قالدیریه میه جغنی آکلادی ده کمال تحسرنندن
النده کی قرآنه خطاباً « بو سنکله صوک صحتمزدر . » دیدی .
یعنی شمدی به قدر اولدینی کی آرتق بوندن بویله ده صرف ، عبادتله ،
تلاوت قرآن ایله مشغول اولمق قابل اوله میه جغنی سویلدی . کوریلورکه

بو سوز مطلقا دینی تحقیر یولنده سویلنمش دکلددر . ذاتاً خلافتندن
صکرده عبدالملکک فرائض ایله ، سنن ایله اشتغالی کوریوروز . اوت ،
نماز قیلیور ، اوروج طوتیور ، حجه کیدیور . یعقوبی تاریخنده
دیورکه : ۷۲ ، ۷۳ ، ۷۴ سنه لرنده حجازه حجاجی کوندردی . (۷۵) ده
عبدالملک کندیسی کیتدی . ۷۶ ، ۷۷ ، ۷۸ ، ۷۹ ، ۸۰ سنه لرنده
حضرت عثمانك اوغلی ابانی کوندردی . کعبه به قماش اکسا ایدن ینه
عبدالملکدر . پك اعلا ، بونلر حرم شریفی تحقیر ایتك ایسته ین بر
آدمك کاریمیدر ؟

مؤلف دیورکه : « ابن زبیرك باشی کعبه نك ایچنده کندلی ایله کسدی »
جلد ۴ صفحه ۷۹

مؤلف بوروایتی « العقد الفرید » دن الیور . ذاتاً بو کی
وقعه لرده بو کی آثار ایله استشهاد ، کندیسنك معتادی اولان حیللردن
بریدر . بیلورسکزرکه ابن زبیرك قتلی حادثه سی طبری ، ابن الاثیر کی
سویلدیکنه اعتماد اولنور ، بوتون مورخلرجه مأخذ طانیلور کتب
تاریخیه نك کافه سنده مذکوردر . لکن وقعه بو کتابلرده مؤلفك
ایستدیکی طرزده تصویر ایدلمش اولمדיنی ایچون هیچ بریسنی قاله
آلمهرق محاضرات صنفندن بر کتابه صاریلیورکه بو کی کتابلره اله
بشقه بر مأخذ بولماز ، اصولده مخالف دوشمزسه مراجعت
ایدیلر . ایشته کرک طبریده ، کرک دیکر معتبر تاریخلرده مصرح
اولدینی وجهله ابن زبیر حجونده ارباب طغیانندن بریسی طرفندن
أولدرلمشدر ، یوقسه باشی کعبه ده کسلمش دکلددر .

مؤلف دیورکه : « کعبه یی بیقیدلر . »

یوقاروده سویلدك که کعبه حجاجك هدفی دکلدی . حجاج مانجینقلری
ابن زبیرك علاوه ایتمش اولدینی قسمه چویرمش ؛ بوعلاوه ایسه اصل
کعبه به متصل اولدینی ایچون آتیلان طاشلردن بر قسمی ده کعبه به اصابت
ایتمش ایدی . حجاج قتالی بیتیردکن سوکره ایلک امرینی مسجد حرامی
طاشلردن ، قانلردن تمیزله مک ایچون ویردی . ابن الاثیر بونی صراحة
سویلیور . پك اعلا ، مسجد حرامی سیلدریوب سوپورتك ایله کعبه یی
بیقیمق عینی شیمیدر ؟

ولیدك کفرینه ، مصحفی اوقله نشان آلوب پارچه پارچه ایتدیکنه ،
صوکره :

أتوعد کل جبار عنید ؟ فها أنا ذاك جبار عنید !

اذا لا قیت ربك یوم حشر ، فقل لله من قتی الولید .

بیتلرینی سویله مسنه کلنجه ، مؤلف بوروایتی اغنیدن آلییور .
وقعه اغانی خرافاتنددر . معلومدرکه اغانی صاحبی شعبی در . امویله
بغض ایتیه یی ، اونلری کوچوک دوشورمه یی کندیسنه دین اتخاذ ایدر .
بیتلرک اوزرنده ایسه تولید دامغاسی کوزوکوب طورییور . ادبیات
ایله آزیجق مناسبتی اولانلر شو اسلوب نظمك اصلا اسکیره عائد
اولیوب مولدین مالی اولدیغنی قولایجه آکلارلر . (مابعدی وار)

مطبعة احمد احسان وشرکاسی
مدیر مسئول : اشرف ارباب